


't Kerkje van Ellesdiek



Oecumenische bieveenkomst

16 oktober 2016

Een kleerklasse vol mie verhalen

Uutleg bie de tēkenienge.

Het thema is: “Een kleêrkasse vol mie verhalen”

Eigenlijk bin je fleuken, of a ’t noe je goeie goed is of je daegse plunje, aollemille mè franje.

De biebel stî vol mie verhalen. En twint a me leze, komme me toch dikkels een verhaal tegen dat git over de liefde.

Bovenan de tēkenienge zie me dan ok een arte, het symbool van de liefde.

Een oud symbool is de appel, die drukt liefde, passie, onsterfelijkheid en vruchtbaarheid uut.

De duve is het symbool van vreedzaamheid, zachtmoedigheid en liefde.

Jopie Minnaard

Liturgie Ellesdiek 16 oktober 2016

Thema: “Een kleêrkasse vol mie verhalen”

Urgelmuziek (Ko de Visser)

Welkom (Corrie de Baar)

(me gae stae)

Zienge Lied 19 vers 1 en 2 NLB

1. Den emel geef God eêr',
't uutspanseel keêr op keêr,
ze spreke van Zien and.
A zei den dag gin woord,
a 't ochendlicht wee gloort,
krieg t'n een gouwe rand.
Nacht zeit et tegen nacht:
doenker ferweêle pracht,
ik zie in joe Gods glorie!
Ok zonder taal of mond
git et de wêreld rond,
't verhaal van Gods victorie.
2. God ei een tent' ebowd
van 'elder schortebloew
dì weunt de zunnegloed.
Zò a een bruidegom
straelend nae buten komt,
blie, in z'n goeie goed,
zò a, gezond en fit,
een mèn's op reize git,
nèt eênder doet de zonne:
blienkende gè t'n op,
git onder, om - toet slot-
vanover te begunnen.

Durpelgebed (Nel Roggeband)

(me gae zitte)

Vier ziengt 'Net als een kind' Frank Boeijen

Lezieng Genesis 3:1 – 7
Genesis 9:20 – 23 (Corry Verburg)

Zienge Lied 326 vers 1, 2 en 3 NLB



1. Van lang ge-lee oans an-ge-brocht,
een woôrd, 't is nie deur oans be-docht,
't is dicht-te-bie, 't za nooit weg-gaen,
het wier weê vleis, 't is op-ge-staen.

2. Dat woôrd kom bie ons op de wind,
't zoekt onderdek, een uus, en 't vindt,
een wieze, angenaem in 't oôr,
het woôrd van God van lang 'iervô.

3. Dit woôrd bluuf leve in een lied,
wae mensen 't zienge sturft 't nie,
as aesum dat oans 'arten voedt,
as 't voôjaer dat oans bloeie doet.

Lezieng 1 Samuël 2:18 en 19 (Rie van Kleunen)

Zienge

Lied 326 vers 4, 5 en 6 NLB

4. Dit lied dat onze nacht verstoôrt,
't oôr alsmè weê as nieuw verwoôrd,
't breek vôr oans deur in 't ochetlicht,
't geef oans een uut- en vergezicht.

5. Van lang gelee ons angezeid,
een naem, oôr weê op oans geleid,
een woôrd, da vôr oans bruust as wien,
een lied da Gods gezicht lae zien.

6. O woôrd, zolang oans toegedaen,
dat oans vol blieschap ziengen laet,
gezegend 'ier en overa.
die is, die was, die komme za.

Lezieng

1 Korintiërs 13:1 – 8 en 12c (Marga van de Plasse)

Zienge

Lied 19 uut Alles wordt nieuw deel 3
vers 1, 2, 3 en 4

1. A je gin liefde eit voe een aar,
vaolle de droômen in dugen:
droômen van vrede bin dan gin waer,
't kwaed vaol nie om te bugen.

Refrein:

A je gin liefde eit voe een aar,
leef je buten Gods gloria. (2 x)

2. A je niks geeft om een aar z'n verdriet,
elp je gin traenen te droôgen.
Wil je et leed in de waereld nie zie,
ei je Gods woord ok nie 'oôge.

3. A je gin oôg eit voe et gemis,
ei je van deêle gin wete.
Dienk dan an Jezus: die gaf broôd en vis
zò da ze aol kunnen ete.

4. A je gin liefde eit voe een aar,
oop je dan nog wèr op zegen?
Kindlieve, ou de liefde voe waer,
teêken ‘t et op aolle wegen.

Overdienkieng

Een stuitje stille weze

Vier ziengt ‘*Weet je nog*’ *Herman van Veen*

Voorbeden (Marga van de Plasse)

Oanze Vaoder

Oanze Vaoder in den emel
lit joe naem vereêrd worre,
lit joe koninkriek komme
lit wat a jie wil gebeure,
op aerde, net as in den emel.
Geef oans vandaege 't broad dat a me noadig è,
en vergeef oans oanze schuld,
net as oans ok an are mènsen d'r schuld vergeve.
En stel oans nie op de proef,
mè ouw aol 't slechte van oans wig.
Wan joe koninkriek,
en de kracht en de pracht,
is eêuwig voe eêuwig.
Amen

Vier ziengt ‘*Hoe dikwijls*’ *Herman van Veen*

Collectes

D'n eêsten is voe Amecet en den twidden voe de onkosten van de bieeênkomst. In september was de opbriengst voe Amecet 295,55 euro en voe 't Kerkje 169,56 euro

(me gae stae)

Zienge

Lied 791 NLB aolle verzen

1. Liefde, eên keêr uut'esproke
't woord dat a t'r aoltied is,
liefde za oans overkomme
zegen en geheimenis.
2. Liefde, die oans eêns 'emikt eit
en God zelf die rikt oans an,
wapen dat a deur Gods goed'eid
vrede briengt voe aolleman.
3. Liefde, naem van aolle naemen
dir in kom Jie nì oans toe,
liefde lit oans aol tezaemen
werke in de wèrld, noe.
4. Liefde, waegt 't om te geven,
trouw te wezen an een aar,
liefde ou oans in het leven
eêrlijk leve voe mekaar'.
5. Liefde, ka je volop schienke
as den aollerbeste drank,
liefde bluoft 't feêst gendienke
oans Joe gasten, levenslank.

6. Liefde, boven aolle liefde
wees een emel boven oans,
goeie bron mik oans toch beter
en bluuf levenslank bie oans.

Zegenbede

(me gae zitte)

Vier ziengt *‘Heerlijke hemelse dagen’*

Slotwoord

A je deze bieeênkomst nog een keêr wil oare, gî dan nî

www.kerkje-ellesdiek.nl en klik op Oecumene

zondag 20 nov.
14.30 uur

Oecumenische bieeênkomst mie een overdienkieng
deur Koos Rentmeester en zang deur Anja Kopmels